

# SEMANA DOS MUSEOS 2018

## DÍA das LETRAS / NOITE dos MUSEOS / DÍA INTERNACIONAL dos MUSEOS na REDE MUSEÍSTICA DA DEPUTACIÓN DE LUGO



Os museos da Deputación de Lugo celebramos nesta semana o **Día das Letras Galegas** (17 de maio), o **Día Internacional dos Museos** (18 de maio) e a **Noite dos Museos** (19 de maio). O **Días das Letras** que a RAG dedica este ano a María Victoria Moreno, unha escritora, ademais de autora dunha obra literaria de mérito, exemplo de compromiso (sendo de orixe foránea) coa nosa lingua e cultura.

Nesta ocasión, o lema escollido polo ICOM para celebrar o próximo 18 de maio o **Día Internacional dos Museos**, "*Museos hiperconectados: enfoques novos, públicos novos*", convidanos a reflexionar sobre un futuro hiperconectado entre os museos e os nosos visitantes. Novos escenarios de comunicación que deben ser deseñados entrambos, institucións e usuarios, para ser útiles e atractivos ao máximo de poboación posible.

A **Noite dos Museos** desta volta dedicámola a poñer luz, a iluminar o cuarto escuro onde se arromban tantas veces as obras creadas por mulleres. Unha inxustiza que debemos denunciar e corrixir desde dentro dos museos pero tamén desde a sociedade, reivindicando esa igualdade na práctica e en todas as facetas do quefacer humano.

Son días de festa e de celebración pero tamén de chamada de atención, de autocrítica e de proxectos para un mañá que xa é hoxe.



REDE MUSEÍSTICA  
PROVINCIAL DE LUGO  
MUSEO PROVINCIAL DE LUGO

# Museo Fortaleza San Paio de Narla

## 17 DE MAIO: DÍA DAS LETRAS GALEGAS

### Lingua de Paz

Este 17 de maio o Día das Letras Galegas dedícase a María Victoria Moreno, escritora estremeña de nacemento que mantivo con Galicia e co galego “unha historia de amor”.

A actividade, enmarcada nos proxectos “Palabreirxs” e o de “Paz é nome de muller”, consiste nunha acción simbólica. Trátase de crear un panel en branco, coas siluetas dos retratos de mulleres vencelladas aos museos da Rede para que cada visitante escriba unha palabra, en galego ou, en caso de ser de fóra, traducida coa nosa axuda. Os nomes das mulleres son dona María Paz Taboada, antiga propietaria, no Museo Pazo de Tor, dona Manuela Goñi, doante do edificio, no Museo Provincial do Mar e María Victoria Moreno, persoa á que se lle dedica este ano o Día das Letras, no Museo Provincial de Lugo e no Museo de San Paio de Narla. Usaremos para toda a campaña Instagram.

## 18 DE MAIO: DÍA INTERNACIONAL DOS MUSEOS

### »Proxecto ‘Improntas’

Exposicións e obradoiros para todas as idades co obxectivo de divulgar o coñecemento de técnicas e a obra gráfica gravada e impresa dos fondos dos museos da Rede Museística. Realizaranse nos 4 museos.

Carpeta que contén 26 gravados (fotogravados, augafortes, augatinta, punta seca...) da autoría de Mónica Alonso, Francisco Amat, Boente, Quique Bordell, Alejandro Carro, Santiago Catalán, Espiral, García-Gesto, Roberto González, Guerreiro, Honorio, Sara Lamas, Lomarti, Macía, Luis Moscardó, Senén Olano, Otero-Yglesias, Elena Pendás, Juan Miguel Prada, Xermán Refojo, M<sup>a</sup> José Santiso, Isabel Somoza, Bernardo Tejada, Vázquez Cereijo, Vieiro e Ignacio López.

Tamén se expoñen gravados de Castelao e J. Prieto-Nespereira.

## 19 DE MAIO: NOITE DOS MUSEOS

Noite dos Museos no Museo. Os membros do Club Pequeamig@s de San Paio de Narla que o desexen reúnen a esta hora para participar nos obradoiros, concerto, contos, cear e ... a durmir, que son horas.

## OBRADOIROS

### »Obradoiro: *Falar coas mans*

Obradoiro interxeneracional dirixido a familias para traballar a perspectiva de xénero a través da expresión plástica. Os obxectivos son promover a igualdade de xénero, fomentar o empoderamento das mulleres e promover o pensamento crítico a través do diálogo.

Data: 18 de maio

Dirixido a parellas familiares (avós/avoas e netos/netas a partir de 6 anos)

Prazas: 15 parellas (adulto + neno/a).

Horario: de 17:00 a 18:30h.

Inscripción previa no museo onde se realice.

Este obradoiro foi seleccionado entre os vinte mellor valorados na Bienal Miradas de Mujeres 2018.

## VISITAS GUIADAS

### »**Visitas express temáticas**

Visitas breves e guiadas, cun percorrido temático acoutado por diferentes salas e dependencias dos museos para coñecer aspectos concretos da nosa historia ou a obra de artistas de referencia.

Todos os días, ás 13:00h. polas mañás e ás 18:00h. polas tardes, agás os luns que pechamos.

**Martes:** *Activando as lapas da creatividade.*

**Mércores:** *Mergullando nos oficios tradicionais galegos.*

**Xoves:** *O liño, da terra ao museo.*

**Venres:** *As pegadas do Renacemento en San Paio de Narla.*

**Sábados:** *A calor do fogar na Idade Media: o braseiro.*

**Domingos:** *O escrito e a palabra na Idade Media.*

### **OUTRAS ACTIVIDADES**

**Exposición:** *De Picasso a Kapoor. Obra gráfica e Múltiple Contemporáneos* (do 24 de abril ao 20 de xuño).

**Museo Fortaleza San Paio de Narla:** 982 37 51 56  
[sanpaiodenarla@museolugo.org](mailto:sanpaiodenarla@museolugo.org)

**Xerencia da Rede Museística:** 699 836 883  
[xerencia-redemuseos@deputacionlugo.org](mailto:xerencia-redemuseos@deputacionlugo.org)



DEPUTACIÓN DE LUGO



REDE MUSEÍSTICA  
PROVINCIAL DE LUGO

MUSEO FORTALEZA SAN PAIO DE NARLA